

VI. ANUNCIOS**A) ADMINISTRACIÓN AUTONÓMICA****CONSELLERÍA DO MEDIO RURAL**

ANUNCIO do 17 de xullo de 2026, do Xurado Provincial de Clasificación de Montes Veciñais en Man Común de Ourense, polo que se publica a resolución relativa á revisión do esbozo do monte veciñal en man común Meda, Victón e Mallada Grande, no concello de Laza.

Examinada a solicitude de revisión de esbozo formulada polos representantes do MVMC Meda, Victón e Mallada Grande, pertencente á CMVMC de Matamá, Retorta e Arcucelos, no concello de Laza, resultan os seguintes

Feitos:

Primeiro. O 14.12.2025, a CMVMC de Matamá, Retorta e Arcucelos presentou unha solicitude (Rexel núm. 2025/3474685) de revisión do esbozo do MVMC Meda, Victón e Mallada Grande, no concello de Laza.

Coa solicitude achegaron a seguinte documentación:

- Certificación do acordo da Asemblea Xeral do 19.6.2025.
- Memoria e planos.
- Arquivos xeográficos en formato vectorial.

Segundo. O Servizo de Montes do Departamento Territorial de Ourense emitiu un informe favorable o día 19 de xaneiro de 2026 en relación coa citada solicitude. O perímetro obxecto de revisión comprende as partes lindeiras con particulares.

A superficie do MVMC Meda, Victón e Mallada Grande, unha vez modificado o esbozo, sería de 1.530,49 ha fronte ás 1.418 ha do acordo de clasificación, o que supón un incremento do 7,9 %.

Tendo en conta o anterior, emítese un informe favorable sobre a revisión do esbozo solicitada.

CVE-DOG: waudqpt7-df53-izb6-4i97-lehq2pruhjn7



Consideración legal e técnica:

Única. A Lei 7/2012, do 28 de xuño, de montes de Galicia, na súa disposición transitoria décimo terceira establece o procedemento de revisión de esbozos de montes veciñais en man común.

De acordo con ela, os esbozos de montes veciñais integrados nun expediente que, pola súa antigüidade, non reúnan as características de fiabilidade e precisión que exixen as novas técnicas topográficas poderán ser revisados axustándose e completándose con aqueles datos e documentos que se consideren necesarios, en particular os requiridos para a súa inmatriculación no Rexistro da Propiedade.

De acordo cos feitos e fundamentos de dereito expostos, e tendo en conta o informe favorable do Servizo de Montes do día 19 de xaneiro de 2026, o Xurado Provincial de Montes Veciñais en Man Común acordou, por unanimidade, o día 22 de xuño de 2026:

Aprobar a proposta de revisión de esbozo do MVMC Meda, Victón e Mallada Grande, pertencente á CMVMC de Matamá, Retorta e Arcucelos, no concello de Laza.

Contra esta resolución, que pon fin á vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso-administrativo perante o Xulgado do Contencioso-Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da citada Lei 13/1989, nos artigos 123 e 124 da Lei 39/2015, de 1 de outubro, do procedemento administrativo común das administracións públicas, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.

Ourense, 17 de xullo de 2026

José Antonio Armada Pérez
Presidente do Xurado Provincial de Clasificación
de Montes Veciñais en Man Común de Ourense

CVE-DOG: waudqpt7-df53-izb6-4i97-lehq2pruhjn7





CVE-DOG: waudqpt7-df53-izb6-4i97-lehq2pruhjn7




XUNTA
DE GALICIA

ISSN 1130-9229

Depósito legal C.494-1998

<https://www.xunta.gal/diario-oficial-galicia>

ANEXO



DOG

Diario Oficial de Galicia

DOG Núm. 143

Venres, 31 de xullo de 2026

Páx. 42647